

# Guangjisi Minzcu Bau

ganhhau: CN45-0036 B.2016 Nd.4 Ng.13 liggaueq bingjsaen nienz ndwensam cocaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3219期

## Guengjsae Boux Youq Ging Angqhoh "Sam Nyied Sam"

### 广西在京人士欢庆“三月三”

4 nyied 9 hauh banringzgvaq, gaiq daihsamgouj Guengjsae boux youq ging angqhoh "sam nyied sam" daihgingz hoihlienzyuen youq Cunghyangh Minzcuz Dayoz dalijdangz banh. Gak hangz Guengjsae boux youq ging gungh cien lai boux doxcomz youq giz haenx, doengzcaez angqhoh Guengjsae gak cuz beksingq yenzswngghdai "sam nyied sam" conzdungj cietndei.

Baez hoih lienzyuen neix aeu "it

rangh it loh, Guengjsae gyaendei" guh cawjdaez, youz byaraemx、yinzvwnz、simlingz、doxgiet seiq aen biencieng gapbaenz. Baijyienj gij cwngzgoj Guengjsae gaenh geij bi neix vaiqvut hwngfat, baijyienj le Guengjsae yinzminz caen sienh gyaeu, heuhhwnj gij gveihszuganj Guengjsae boux youq ging.

Hoihlienzyuen haimuq gaxgonq, youq Cunghyangh Minzcuz Dayoz dalijdangz baihnaj gvangjczangz banh

Guengjsae vwnzvancanj nem doiq fwen、bau aendomq、fouxdohyeh、fouxsaux daengj angqhoh hozdung. Youq vwnzvancanj yienhciengz, gaiq daih samgouj sam nyied sam baenzdauq hozdung dauqyawj dozbenq、caz-loegbauj caeuq faenjsai daengj daegsaek gijgwn ndei Guengjsae yinx ndaej haujlai vunz Guengjsae daeuj yawj、daeuj cimz.

(Baekging Guengjsae Vwnzva Yisuz Cuzcinvei)



### Cauhbingz:Angqhoh "Sam Nyied Sam"

#### 昭平:欢乐“三月三”

4 nyied 9 hauh, Cauhbingz Vangzyauz Cin Fungliz Cunh roengzsim caepcawq "sam nyied sam Bouxcuengh" minzsuz hozdung, dangdieg vunzlai Bouxcuengh yungh vwnzyi yienjok、haizgieg doxdax、diuq fousaux、fouxsaecetj、doiq fwen daengj minzsuz hozdung caeuq hekyouz doxcomz youq giz haenx caemhgyaq ngoenzciet. Ndaw doz dwg biujyienj diuq fouxsaux.

(Liuz Feih/刘飞 Cinz Gen/覃健)

## Dwzbauj Yen Hong Minzcuz Doxgiet Gyauyuz Haeuj Hagdangz Cingzcik Ndei

### 德保县民族团结教育进校园工作成绩喜人

Bi 2015, Dwzbauj Yen daj hagdangz goqdzangz gaem hwnj, netsaed haiguh baenzdauq minzcuz doxgiet gyauyuz haeuj hagdangz hozdung fungfouq lai yiengh, aeundaej cingzcik gig ndei.

It dwg minzcuz doxgiet gyauyuz yungzhaeuj sonhag goqdzangz. Daengx yienh gak cungh siuj hagdangz cungj hai miz minzcuz doxgiet gyauyuz goqdzangz, cungfaen leihyungh cwngci、yijvwnz、dijyuz、dozveh、ciengqgo daengj yozgoh miz minzcuz cangzsiz gyauyuz yinhsu haenx, haiguh minzcuz cihsiz buqmungz caeuq minzcuz lijln gyauyuz, hawj hagseng cienzmienh roxyiuj caeuq hag rox minzcuz cwngcwz、minzcuz fungsug、deihfueng fungcingz daengj cihsiz neiyungz dangj, gunghanq hagseng laebhwnj minzcuz doxgiet siengjnaemj, gyagiengz doxgiet doxhab yisiz.

Ngeih dwg minzcuz doxgiet gyauyuz hozdung fungfouq lai yiengh. Bi 2015, youq daengx yienh gak cungh siuj hagdangz cujcz haiguh gij minzcuz doxgiet gyauyuz "roek ndeu" hozdung "ciengq hot go minzcuz ndeu, veh fuk veh minzcuz fungcingz ndeu, ok banj banjbau minzcuz doxgiet ndeu, banh baez minzcuz fapgvi cihsiz doxdax ndeu, guh gienh minzcuz gunghyi cozbij ndeu, hai baez cawjdaez banhoih ndeu", doenggyaq baenzdauq hozdung fungfouq lai yiengh, dajcaux hagdangz minzcuz vwnzva heiqaenh naekna, hawj minzcuz doxgiet gyauyuz haeuj hagdangz hozdung miz rengzlix moq.

Sam dwg haenq gaem daezsang minzcuz doxgiet gyauyuz suciz. Dangqnaj, aen yienh neix gungh miz Cuengh Gun song vah saw hagdangz 8 aen, miz 46 aen ban. Cimdoiq song vah

saw sonhag hagdangz lauxsae gangjvei yaek yungh haenx, cujcz banh le song vah saw lauxsae yienh gaep beizyin caeuq yaubwnj beizyin, aeu minzcuz yijvwnz cwngcwz、Sawcuengh giekdaej cihsiz、goqdzangz sonhag ginwngz、goqdaez yenzgiu daengj neiyungz guh cungdenj beizyin, caenh' itbough daezsang song vah saw lauxsae yezvu cihsiz suiijingz, coicaenh daezsang song vah saw gyauyuz sonhag cizlieng.

Seiq dwg hong Cuengh Gun song vah saw miz sing miz saek. Banh "Dwzbauj Yen bi 2015 siujhagseng biucinj Vahcuengh dungxaiz biujyienj doxdax" "Dwzbauj Yen gaiq daihsam siujhagseng doeg Sawcuengh doxdax" daengj hozdung, gikfat gij yiedcingz hagseng hagsib saw vah minzcuz, coicaenh daezsang Cuengh Gun song saw vah gyauyuz sonhag cizlieng.

(Nungz Yungjifang/农永放)

## SIUSIK DINJ

### 简讯

● Mboengqneix, gij vwnz-yi sam roengzmbanj yienjok hozdung "Bingzgoj gyaendei swngghdai lajmbanj" youz Bingzgoj Yen Vwnzgvangjgiz cawjbanh, Yen Vwnzva Guenj-leix Cungsim、Yen Minzsuz Vwnzva Swnjcienz Cungsim ciepbanh haenx bae daengz aen yienh neix Fungvuz Cin Vanzdwz Cunh yienjok, vih dangdieg saujsu minzcuz vunzlai yienj ciengz vwnzyi hoihhoengh ndeu.

(Vuz Anghinh)

● Mboengqneix, Lungz-swnq Gak Cuz Swciyen Gungh' anhgiz baij ok minz-gingj, vih diegguenjleix boux ndang miz bingh、hengz-doengh mbouj fuengbienh haenx daezhawj "hwnjranz ingjsiengq、soengq cwng hwnjranz" bienh minz fuzvu, aeu saedsaeh hengzdoengh daezsang fuzvu cizlieng, hawj gingminz gvanhaeh doxndei.

(Veiz Gizyangz Suz Cunghyinz)

● 4 nyied 6 hauh, Lungzlinz Gak Cuz Swciyen youq Cwngzcungh Youhhenz Gvangjczangz haiguh bi 2016 ndwen senhconz minzcuz doxgiet cinbu hozdung, venj fukbaengzhoengz diuz ndeu、baij canjbanj 3 gep、fatcuengq mbawsenhconz 3000 mbaw、bonsenhconz 500 lai bonj daengj. Doenggyaq hozdung, hawj gak cuz vunzlai engqgya doxgiet doxndei, vih ndaw-biengz onjdingh miz doidoengh cozyung gaenxmaenx.

(Dauz Dwzgvangh)

● Vih angqhoh conzdungj ngoenzciet Bouxcuengh "sam nyied sam", hawj ngoenzciet heiqaenh nauhyied, fungfouq vunzlai cingsaenz saedceij. 4 nyied 6 hauh banringzgvaq, Lingzyinz Yen Yihungz Yauz-cuz Yangh youq aen yangh neix cwngfuj gvangjczangz banh conzdungj ngoenzciet "sam nyied sam" vwnzyi comzyienj hozdung, gyoengq beixnuengx Cuengh Gun Yauz daj gak mbanj daeuj haenx doxcomz youq giz haenx, doengzcaez angqhoh conzdungj ngoenzciet "sam nyied sam" daeuj daengz.

(Veiz Fucwngh)